



Broj: 01/1-50-1-19/07
Sarajevo: 24.07.2007. godine

**Z A P I S N I K
sa 19. sjednice Ustavno-pravne komisije**

Sjednica je održana dana 24.07.2007.godine s početkom u 10:00 sati.

Sjednici su prisustvovali članovi Komisije: **Šefik Džaferović, Martin Raguž, Lazar Prodanović, Ekrem Ajanović, Halid Genjac, Velimir Jukić, Momčilo Novaković, Lazar Prodanović i Adem Huskić.**

Član Komisije **Drago Kalabić** je opravdao odsustvo.

Pored članova Komisije sjednici su prisustvovali: predstavnik Ureda koordinatora Brčko Distrikta BiH, Goran Duka, OHR-a, Maja Ribar i Daria Duilović, OEBS-a Gordana Ivanović i Alma Smajlović, Ministarstva civilnih poslova Esma Hadžagić i Sekretar Predstavničkog doma Branka Todorović.

Sjednici je prisustvao Igor Bajić, sekretar Komisije, stručni saradnik u Ustavno pravnoj komisiji Nedžad Salman i stručna saradnica zaposlena u Sekretarijatu PS BiH Ivana Šupeta.

Predsjedajući Komisije je predložio, a Komisija je jednoglasno usvojila sljedeći

DNEVNI RED:

1. Verifikovanje Zapisnika sa 18. sjednice, održane dana, 16.07.2007. godine;
2. Prijedlog zakona o izmjenama i dopunama Zakona o Vijeću ministara Bosne i Hercegovine, (Zakon, broj 01,02-02-9-35-4/06 08.09.2006) predlažać Vijeće ministara BiH;
3. Prijedlog zakona o izmjenama i dopunama Zakona o parničnom postupku pred Sudom BiH, predlažać Vijeće ministara BiH;
4. Prijedlog Okvirnog zakona o srednjem stručnom obrazovanju i obuci u BiH, predlažać Vijeće ministara BiH;
5. Ostala pitanja

Ad. 1. Verifikovanje Zapisnika sa 18. sjednice održane dana 16.07.2007. godine;

Komisija je jednoglasno verifikovala Zapisnik sa 18. sjednice održane dana 16.07.2007. godine.

Ad. 2. Prijedlog zakona o izmjenama i dopunama Zakona o Vijeću ministara Bosne i Hercegovine, (Zakon, broj 01,02-02-9-35-4/06 08.09.2006) predlažać Vijeće ministara BiH;

Predsjedavajući je otvorio raspravu. Član Komisije, Lazar Prodanović je predložio dva amandmana. **Amandman 1.** koji glasi: „U tekstu Prijedloga Zakona riječi „Ured koordinatora Brčko distrikta BiH“ treba zamijeniti riječima „Pomoćni u red koordinatora Brčko distrikta BiH“. **Amandman 2.** koji glasi: „Član 27.b) stav (2) se briše“. Pitanje smještaja i snošenje troškova neophodnih za rad Kancelarije ne bi trebalo biti predmet zakonskog regulisanja. Nakon provedene rasprave Komisija je sa **jednim glasom „za“, šest glasova „protiv“ i jednim „uzdržanim“ glasom** odbila prijedlog za izmjenu naziva Ureda. Komisija je sa **šest glasova „za“, jednim „protiv“ i jednim „uzdržanim“ glasom** prihvatila prijedlog za brisanje člana 27.b) stav 2).

Komisija je sa **šest glasova „za“, jednim „protiv“ i jednim „uzdržanim“ glasom** prihvatila tekst Prijedloga zakona o izmjenama i dopunama Zakona o Vijeću ministara Bosne i Hercegovine sa usvojenim amandmanom Lazara Prodanovića.

Ad. 3. Prijedlog zakona o izmjenama i dopunama Zakona o parničnom postupku pred Sudom BiH, predlagач Vijeće ministara BiH;

Predsjedavajući je otvorio raspravu u kojoj su učestvovali članovi Lazar Prodanović, Momčilo Novaković i Velimir Jukić.

Lazar Prodanović je predložio izmjene člana 1. i člana 4. Prijedloga zakona o parničnom postupku pred Sudom BiH.

Predsjedavajući je istakao da su amandmani neblagovremeno podneseni jer član 109. stav (1) Poslovnika Doma ne predviđa podnošenje amandmana na samoj sjednici, već 15 dana nakon usvajanja Prijedloga zakona u prvom čitanju.

Predsjedavajući je dao na glasanje amandman kojim se mijenja član 4. Prijedloga zakona jer je zaključeno da se radi o očiglednoj grešci u tekstu prijedloga zakona na srpskom jeziku, za čiju ispravku je nadležna Ustavno-pravna komisija u skladu sa članom 41. stav 1. tačka e) Poslovnika Doma. Naime, u članu 4. riječ „savjet“ treba zamjeniti riječju „vijeće“. Komisija je jednoglasno prihvatila tekst Prijedloga zakona o izmjenama i dopunama Zakona o parničnom postupku pred Sudom BiH sa usvojenom ispravkom člana 4. prijedloga zakona na srpskom jeziku.

Ad. 4. Prijedlog Okvirnog zakona o srednjem stručnom obrazovanju i obuci u BiH, predlagач Vijeće ministara BiH;

Predsjedavajući je otvorio raspravu u kojoj su učestvovali članovi Momčilo Novaković, Halid Genjac, Ekrem Ajanović, Martin Raguž i Lazar Prodanović i pomoćnica Ministra civilnih poslova BiH, Esma Hadžagić.

Predsjedavajući je konstatovao da su amandmane na Prijedlog okvirnog zakona o srednjem stručnom obrazovanju i obuci u BiH podnijeli članovi Drago Kalabić i Momčilo Novaković.

Predsjedavajući je utvrdio neblagovremenost podnošenja amandmana, koje je član Komisije Momčilo Novaković podnio poslije isteka roka od 15 dana propisanog članom 109. Poslovnika Doma.

Nakon provedene rasprave Komisija je sa tri glasa „za“, četiri glasa „protiv“ i jednim „uzdržanim“ glasom odlučila da se amandmani koje je podnio Momčilo Novaković ne razmatraju zbog neblagovremenosti.

Predsjedavajući Komisije je predložio da se raspravlja o amandmanu 1, koji je podnio Drago Kalabić kao i drugim izmjenama Prijedloga zakona za koje se može smatrati da su sačinjeni u formi amandmana.

Momčilo Novaković je zahtijevao da se u zapisnik unese da je Komisija odlučila da razmatra i druge prijedloge za izmjenu predloženog zakona kao da se radi o amandmanima.

Predsjedavajući je konstatovao da je Komisija uzela u razmatranje samo one prijedloge za izmjenu koji zadovoljavaju amandmansku formu.

Komisija je sa tri glasa „za“, pet glasova „protiv“, bez „uzdržanih“ glasova odbila Prijedlog amandmana 1, koji glasi:

Amandman 1.

„Ovim zakonom utvrđuju se principi institucionalne i opšte organizacije srednjeg stručnog obrazovanja, pitanja zajedničkih jezgri nastavnih planova i programa i minimalni standardi za nivo srednjeg stručnog obrazovanja kojih su se dužne pridržavati sve nadležne obrazovne vlasti obrazovnih sistema u Bosni i Hercegovini.“

Komisija je sa dva glasa „za“, pet glasova „protiv“ i jedan „uzdržan“ odbila Amandman 2. koji glasi:

Amandman 2.

U članu 2. stav (1) riječi „obrazovni sistem“ treba zamjeniti riječima „obrazovnih sistema“, stav (3) riječi „porodice zanimanja“ treba zamjeniti riječima „struke i zanimanja“.

Komisija je sa dva glasa „za“, šest glasova „protiv“, bez „uzdržanih“ glasova odbila Amandman 3. koji glasi:

Amandman 3.

U članu 5. stav (3) umjesto riječi „Ministarstva civilnih poslova BiH“ treba zamjeniti riječima „nadležna ministarstva“.

Komisija je sa tri glasa „za“, pet glasova „protiv“, bez „uzdržanih“ glasova odbila Amandman 4. koji glasi:

Amandman 4.

U članu 6. stav (1) iza riječi „zanimanja“ riječi „ u pravilu“ se brišu, a u stavu (2), iza riječi „škole imaju“ riječi „ u pravilu“ se brišu.

Komisija je sa dva glasa „za“, pet glasova „protiv“ i jednim „uzdržanim“ glasom odbila Amandman 5. koji glasi:

Amandman 5.

U članu 8. u stavu (2) riječi „koliko god je to moguće“ se brišu.

Komisija je sa dva glasa „za“, pet glasova „protiv“ i jednim „uzdržanim“ glasom odbila amandman 8. koji glasi:

Amandman 8.

Član 21. stav (3) postaje odgovarajući stav člana 20.

Komisija je zatim sa šest glasova „za“, jednim glasom „protiv“ i jednim „uzdržanim“ glasom prihvatila tekst Prijedloga Okvirnog zakona o srednjem stručnom obrazovanju i obuci u BiH.

Ad. 6. Ostala pitanja

Predsjedavajući je konstatovao da je potrebno da Kolegijum Doma zauzme stav u pogledu izvještaja Komisije u kojima se utvrđuje da je pravna norma jasna i da ne treba provoditi proceduru autentičnog tumačenja jer podnosioci zahtjeva ovakve izvještaje Komisije smatraju svojevrsnim autentičnim tumačenjem. Zbog toga je Komisija jednoglasno prihvatila da o pristiglim zahtjevima za autentičnim tumačenjima, odlučuje na narednoj sjednici.

Kako nije bilo drugih pitanja, predsjedavajući Komisije je zaključio sjednicu u 11 sati i 50 minuta .

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović